

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 71 (2009)

Heft: 2: Ethik und Religion

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 23.07.2025

ETH-Bibliothek Zürich, E-Periodica, <https://www.e-periodica.ch>

Oh tgi fa schon cureisma!

In tal tetel vess avon paucs decennis provocau dabia discussiuns, per franc ellus retschas catolicas dalla Surselva. En ina Surselva notabene ch'enconuscheva da lezs temps aunc «la lavina nera» che vegneva da trer e purtar mintga candidat dall'atgna partida en in mandat politic cantunal ni naziunal. Dapi lu ei bia aua currida dil Rein giu che ha purtau novas undas, modernas e globalas. En ina tala dimensiun ch'il tetel sura po tgunsch mo pli provocar quels dil culier alv.

DAVID FLEPP, PRESIDENT CONFERENZA GENERALA ROMANTSCHA SURSILVANA



En verdad ed el zuppa para la cureisma dad esser pulit actuala.

Igl ei enconuschent ch'ei dat persunas che fan onn per onn cureisma enten desister dad enzatgei. Ils ins maglian negina carn, ils auters laian la detta dalla carezada tschugalatta. Aunc auters beiban negina biera duront quei temps ni fan il propiest da calar da fimar. E lu dat ei aunc quels che prendan avon enzatgei e vegnan da tener en ei strusch in di. En scadincass para la cureisma dad haver aunc igl onn 2009 ina certa impurtonza.

Ni eis ei forsa «mo» igl empruar da desister dad enzatgei sur in temps? Da mirar sch'ins ei ferms avunda da

renunziar ad enzatgei, per cheutras haver in nez psicologic dil gener «Jeu sai ei!»? Ni forsa per sesentir corporalmein meglier? Lu fussen nus arrivai al pli vast senn dalla cureisma, che vegn ozildi numnaus sut il tierm «giginar» e che ha buc mo plaz el temps da cureisma. Ed era en quei connex eis ei beinenconuschent ch'ei dat persunas che han fatg experientschas cul giginar. In'experientscha ch'ei buc sempla denton enrihonta tenor ils giginaders.

Aschi pauc antiquaus sco il far cureisma ni giginar ei, ei era il tierm «religiu» sco las discussiuns engaschadas dils davos meins han mussau. La religiu capida sco moviment che puntuescha quei

ch'ei communabel a tuttas tendenzas religiusas mundialas; che manegia la medema forza positiva globala; che ha la medema idea da Diu, è sche quella idea vegn ussa numnada Diu, Allah ni Jahve. Oravontut en nies temps caracterisaus dalla globalisaziun e cheutras era d'ina migrazion carschenta eis ei indispensabel dad empruar da secapir. E quei cun puntuar las communablads denter las religiuns e buca cun mussar las differenzas.

En quei senn duess ei era secapir da sesez che valurs sco carezia proximala, cardientscha positiva e speranza, accompignadas d'in spért critic, ein il fundament per in viver ensemes pascheivel. Valurs ch'ein carschidas ell'Europa dil vest era sil fundament d'ina tradiziun cristiana. Il dubi po esser giustificaus che talas valurs seijien era ozildi francadas ella societad, risguardond il fatg che l'influenza dalla Baselgia ei pli e pli marginala e che la migrazion crescha cuntuadamein. Per la Baselgia e per la scola denton sa quei fatg esser schanza da sviluppar l'instrucziun religiosa ad in'instrucziun religiosa cumbinada cun in'instrucziun d'enconuschentscha d'autras religiuns e dall'etica. La roda sto denton buc vegnir inventada da niev, essend il niev plan d'instrucziun da religiu - communabel dad omisduas confessiuns - dapi gl'onn 2004 sin meisa. Tal metta la peisa sin in'instrucziun da religiu, capientscha d'autras religiuns e d'etica.